



Ioannes ille ex uico Bellefraydt, tribus militari-
bus à Patauia inferioris Bauariae urbe, natus est
anno 1502. Is à pueris bonis authoribus incubuit, &
magnam eruditionē sibi acquisiuit. Fuit enim Gre-
cæ & Latinae linguae doctissimus, præterea Poëti-
ces studiosissimus. Hic cum uirilem ætatē nactus
esset, sese Salzburgū contulit, atq; ibidem sub Car-
dinale Matheo bonarum artium scholam instituit.
Itaq; multi nobiles, hinc inde ex locis finitimis, ad
eum confluxere, quos ipse optimē educauit, & ad
honestā officia præparauit. Cum autem Mulinus
quosdam sacerdotum superstitiones taxaret, uicis-
sim ipse illorum odium incurrit. Verūm hæc par-

uipendens, se domi suæ continuit, atq; suos discipulos instruxit. Hac ratione
cum magna laude per annos 32 perrexisset, tandem 14. Ianuarij, ætatis anno 60,
salutis uerò 1562 obiit, atq; in cœmisterio Salisburgi ad murum sepultus fuit, cū
tali adiecto Epitaphio, quod ipse sibi uiuens confecerat, id quod ex Barbara
derelicta uidua intellexi, cum 1565 Salisburgi essem.